




1605_057v.jpg




1605_058r.jpg




1605_058v.jpg




1605_059r.jpg




1605_059v.jpg




1605_060r.jpg




1605_060v.jpg



1605_001r.jpg



1605_001v.jpg



Maniere
d'eslire des
Papes.

Le Mercure François, ou,
1605. fait & pris prisonnier du grand Chancelier de Pologne, ce qui alloit mettre les Polonois & la maison d'Autriche en de grandes guerres immortelles, sans la particuliere prudence de ce Legat, qui les accorda par la liberté qu'il procura à Maximilian en quittant le tiltre de Roi de Pologne, & faisant espouser au Roi Sigismond la fille aisnée de l'Archiduc Charles. Pour sa grande vertu, pieté & charité apres le deceds d'Innocent IX. il fut esleu Pape le trentiesme iour de Ianuier 1592. Il a tenu le siege par l'espace de treize ans vn mois & cinq iours. Pendant son Pontificat il a pourchassé tât qu'il a peu la paix entre tous les Princes Chrestiens: Il a esté le premier moteur de celle qui a esté traictée entre les Rois de France & d'Espagne; Il a ramené Ferrare au domaine du S. Siege, & conseillé plusieurs alliances & mariages entre les Princes Chrestiens, pour le bien de leurs estats en particulier. Sa deuotion a esté telle qu'on ne l'a veu iamais dire la Messe sans auoir les larmes aux yeux. Bref, totis les aduersaires mesmes de l'Eglise Romaine, sont cōtraints de confesser qu'il s'est comporté durant son Pōtificat vray Pere commun de tous les Chrestiens. Pendant les exeques & funerailles du Pape Clement, qui durerent neuf iours, comme s'en est la coustume, le Conclau fut dressé, ou soixante & vn Cardinaux entrerent le quatorzieme de May, pour proceder à l'eslection d'un nouveau Pape, qui se faict d'ordinaire par deux manieres, sçauoir l'une par *Scrutin*, & l'autre par *Adoration*.

1605_002r.jpg

Suite de l'Histoire de la Paix. 2

Le Scrutin se fait en ceste sorte; Chacun Cardinal escrit dans certain billet de papier son aduis & suffrage, & à la fin de la Messe le va porter dedans le grād calice d'or, qui est sur l'autel. Puis tous les billets sont renuersez sur vne petite table, qui est mise pour cest effect deuant l'autel. Il y a trois Cardinaux, lesquels au veu & en presence de tous les autres, desploient ces billets, prononçans à haute voix le nom de celui qui se trouue nommé en chacun d iceux, & les autres Cardinaux escriuent & marquent en vne feuille de papier le nombre des voix que chacun peut auoir, pour cognoistre celui qui en a le plus. En quoi est à noter que pour ellire & creer vn Pape, il faut qu'il ait les deux tiers des voix de tous les Cardinaux qui sont dans le Conclau. Que si par tel Scrutin il ne s'en trouue aucun qui ait les deux tiers, alors & à l'instant mesme on iette dans le feu tous les billets, afin que le tout demeure secret & assoupi, pour obuier aux haines & partialitez qui en pourroient autrement proceder. Et par ce moien la partie est remise à vne autre fois, qu'on faiet & recommence vn autre Scrutin en la mesme forme.

1605.

Par Scrutin.

L'autre maniere, qui est l'Adoration, c'est quand les Cardinaux estans assemblez en la chappelle, se tournent vers celui qu'ils desirent estre faiet Pape, & luy font la reuerence, plians le genoüil fort bas: & quand il se trouue que les deux tiers sont allez en ceste sorte à l'adoration, le Cardinal adoré est faiet Pape.

Par Adoration.

Le Scrutin tenté par diuerses fois; Plusieurs Cardinaux mis en auant, Et entr'autres le Car-

A ij

Image issue du site mercurefrancois.ehess.fr - Cliché (c) Cécile Soudan